

全唐詩

全

唐

詩

全唐詩目 第五函

第一冊

韋元甫

王鉉

潘炎

張叔良

呂牧

章夏卿

綦毋誠

姚倫

于結

鄭孺華

張叔卿

房孺復

楊郇伯

陳潤

杜誦

鄭丹

鄭昉

朱長文

共一卷

戴叔倫

二卷

張建封

于良史

崔膺

馮宿

陸長源

張衆甫

王武陵

朱宿

共一卷

卷之三

八

七

卷之四

九

六

卷之五

十

五

卷之六

十一

四

卷之七

十二

三

卷之八

十三

二

卷之九

十四

一

卷之十

十五

〇

卷之十一

十六

九

全唐詩

韋元甫

韋元甫初任白馬尉採訪使韋陟深器之奏充支使累遷蘇州刺史浙江西道團練觀度等使大曆初徵拜尚書右丞出爲淮南節度使詩一首

木蘭歌

木蘭抱杼嗟借問復爲誰欲聞所憾憾感激彊其顏老父隸兵籍氣力日衰耗豈足萬里行有子復尚少胡沙沒馬足朔風裂人膚老父舊羸病何以彊自扶木蘭代父去秣馬備戎行易却紉綺裳洗却鉛粉妝馳馬赴軍幙慷慨攜干將朝屯雪山下暮宿青海傍夜襲燕支虜

更攜子闐羌將軍得勝歸士卒還故鄉父母見木蘭喜  
極成悲傷木蘭能承父母顏却卸巾講理絲簧昔爲烈  
士雄今爲一作復嬌子容親戚持酒賀父母始知生女與男  
同門前舊軍都十年共崎嶇卒結弟兄交死戰誓不渝  
今者見木蘭言聲雖是顏貌殊驚愕不敢前歎息徒嘻  
吁世有臣子心能如木蘭節忠孝兩不渝千古之名焉  
可滅

王鉦

王鉦大曆中爲綿州刺史詩一首

登越王樓見喬公詩偶題

雲架重樓出郡城虹梁雅韻仰宣情越王空置千年跡



韋夏卿

韋夏卿字雲客京兆萬年人大曆中與弟正卿同舉賢良方正高等授高陵主簿累遷刑部員外郎擢給事中出爲常蘇二州刺史徐州節度使張建封辟爲徐泗行軍司馬俄召爲吏部侍郎進檢校工部尚書東都留守改太子少保詩三首

別張賈

束簡下高閣買符驅短轅故人惜分袂結念醉芳樽切切別思纏蕭蕭征騎煩臨歸無限意相視却忘言

送顧況歸茅山

聖代爲遷客虛皇作近臣法尊稱大洞

著作已受上清畢法

學淺忝

初真

夏卿初受正一

鸞鳳文章麗煙霞翰墨新羨君尋句曲白鵠

是三神

和丘員外題湛長史舊居

道勝物能齊累輕身易退苟安一丘上何必三山外雲霞長若綺松石常如黛徒有昔王過竟遺青史載詩因埜寺詠酒向山椒酌異時逢爾知茲辰駐余旆

綦母誠

綦母誠官正字詩一首

同韋夏卿送顧況歸茅山

謫宦聞嘗賦遊仙便作詩白銀雙闕戀青竹一龍騎先入茅君洞旋過葛稚陂無然列禦寇五日有還期



丞相兼揚萬古名過鳥時時衝客會閑風往往弄江聲  
謬將蹇步尋高躅魚目驪珠豈繼明

潘炎

潘炎禮部侍郎坐劉晏壻貶澧州司馬詩一首

清如玉壺冰

琰玉性惟堅成壺體更圓虛心含景象應物受寒泉溫  
潤資天質清貞稟自然日融光乍散雪照色逾鮮至鑒  
功寧宰無私照豈偏明將冰鏡對白與粉花連拂拭終  
爲美提攜佇見傳勿令毫髮累遺恨鮑公篇

張叔良

張叔良登廣德二年進士第詩一首

長至日上公獻壽

鳳闕晴鐘動雞人曉漏長九重初啓鑰三事正稱觴日  
至龍顏近天旋聖曆昌休光連雪淨瑞氣雜爐香化被  
君臣洽恩霑士庶康不因稽舊典誰得紀朝章

呂牧

呂牧東平人永泰二年擢進士第自尚書郎爲澤州刺  
史詩一首

涇渭揚清濁

涇渭橫秦野逶迤近帝城二渠通作潤萬戶映皆清明  
晦看殊色潺湲聽一聲岸虛深草掩波動曉煙輕御獵  
思投釣漁歌好濯纓合流知禹力同共到滄瀛

姚倫

姚倫揚州大都督府叅軍詩二首

感秋

試向疎林望方知節候殊  
亂聲千葉下寒影一巢孤  
不蔽秋天雁驚飛夜月烏  
霜風與春日幾度遣榮枯

過章秀才洛陽客舍

達人心自適旅舍當閑居  
不出來時徑重一作猶看讀了書

晚山嵐色近斜日樹陰疎  
盡是忘言客聽君誦子虛

于結

于結大曆間人崔寧嘗欲薦爲御史爲楊炎所沮詩一

首

賦得生芻一束

比玉人應重爲芻物自輕向風傾弱葉裛露示纖莖  
蒨練宜春景芊綿對雨情每慙蘋藻用多謝蒹蘭榮孺子  
才雖遠公孫策未行諮詢一作謀如不棄終冀及微生

鄭孺華

鄭孺華大曆間人詩一首

賦得生芻一束

孫弘期射策長倩贈生芻至潔心將比忘憂道不孤  
芝蘭方入室蕭艾莫同途馥馥香猶在青青色更殊  
芳寧九春歇薰豈十年無葑菲如堪採山苗自可逾

張叔卿

張叔卿官御史詩二首

空靈岸

寒盡鴻先去江迴客未歸  
早知名是幻不敢繡爲衣  
霧積川原暗山多郡縣稀  
今朝下湘岸更逐鷓鴣飛

流桂州

莫問蒼梧遠而今世路難  
胡塵不到處即是小長安

房孺復

房孺復瑄之子七歲即解綴文  
歷官杭辰兩州刺史容州經畧使詩一首

酬竇大閑居見寄

來自三湘到五溪  
青楓無樹不猿啼  
名慙竹使宦情少



路隔桃源歸思迷  
鵬鳥賦成知性命  
鯉魚書至恨睽攜  
煩君強著潘年比  
騎省風流詎可齊

楊郇伯

楊郇伯與竇常同時詩一首

送妓人出家

盡出花鈿與四隣  
雲鬟剪落厭殘春  
暫驚風燭難留世  
便是蓮花不染身  
貝葉欲翻迷錦字  
梵聲初學悞梁塵  
從今艷色歸空後  
湘浦應無解珮人

陳潤

陳潤大層間人終坊州郿城縣令詩八首

宿北樂館

欲眠不眠夜深淺越鳥一聲空山遠庭木蕭蕭落葉時  
溪聲雨聲聽不辨溪流潺潺雨習習燈影山光滿窗入  
棟裏不知渾是雲曉來但覺衣裳濕

東都所居寒食下作

江南寒食早二月杜鵑鳴日暖山初綠春寒雨欲晴浴  
蠶當一作看社日改火待清明更喜瓜田好令人憶邵平

登西靈塔

塔廟出招提登臨碧海西不知人意遠漸覺鳥飛低稍  
與雲霞近如將日月齊遷喬未得意徒欲躡雲梯

送駱徵君

野人膺辟命溪上掩柴扉黃卷猶將去青山豈更歸馬

留苔蘚迹人脫薜蘿衣他日相思處天邊望少微

賦得浦外虹送人

日影化爲虹彎彎出浦東一條微雨後五色片雲中輪  
勢隨天度橋形跨海通還將飲水處持送使車雄

賦得秋河曙耿耿

晚望秋高

一作曉  
鏡高秋

夜微明欲曙河橋成鵲已去機罷女應

過月上殊開練雲行類動波尋源不可到耿耿復如何

賦得池塘生春草

一作陳  
陶詩

謝公遺詠處池水夾通津古往人何在年來草自春色  
宜波際綠香愛雨中新今日青青意空悲行路人

闕題

丈夫不感恩感恩寧有淚  
心頭感恩血一滴染天地

杜誦

杜誦大曆間詩人詩一首

哭長孫侍郎

一作杜詩

道爲詩書

一作謀猷

重名因賦頌雄禮闈曾擢桂憲府旣

一作近乘

驄流水生涯盡浮雲世事空唯餘舊臺

一作松柏

蕭瑟九原

中

鄭丹

鄭丹大曆間詩人蘄州錄事參軍詩二首

明皇帝挽歌

律曆千年會車書萬里同固期常戴日

一作載物

豈意厭觀風